



UNIVERSITÄTS-
BIBLIOTHEK
PADERBORN

Arbor Vitæ Sive Vita Et Doctrina Christi

Ex Quatuor Evangeliiis In Meditationes Quotidianas Velvti Totidem Ramos
Distributa

Illsung, Jakob

Dilingæ, 1693

Meditatio CCLXXXVIII. Continuatio ejusdem Argumenti.

[urn:nbn:de:hbz:466:1-60727](https://nbn-resolving.org/urn:nbn:de:hbz:466:1-60727)

MEDITATIO CCLXXXVI

Continuatio ejusdem Argumenti

Matth. 10.

PUNCTUM I. Exempto ex animis Apostolorum metu adversorum & persecutionum, propter fidem ferendarum, excitat illos ad Fiduciam in Deum patrem suum, & ad seipsum, dicens Matth. 10. *Nonne duo passeret asse vaneunt, & unus ex illis non cadit super terram sine Patre vestro? vestri autem capituli pitis omnes numerati sunt. Nolite ergo timere: multi scribis meliores estis vos.* Ex comparata vilitate patris cum Excellentia & Amabilitate Filij DEI, & consequenter ex comparata Providentia Patris Caeli erga unum passerem, & erga Filium DEI adoptivum per Gratiam ostendit Christus, quantam Fiduciam in Divinam Providentiam ferri debeamus, utpote in externo effectu sine comparatione majoris erga nos, quam erga passerem, erga quem nunquam deest. Unde quaelibet adversa, non tamquam ex malevolentia hominum illata, sed tamquam ex Divina Providentia in nostram specialem utilitatem procurata, vel permissa suscipienda sunt: & quidem non tantum in rebus majoris momenti, sed etiam in levissimis, vel minimis, ita ut neque unus capituli demi aut infringi nobis possit, nisi consentiente mantissimi Patris Providentiâ. *Scimus autem, quoniam diligentibus DEVM omnia cooperantur in bonum, ipsi secundum propositum vocati sunt Sancti. Rom. 8. v. 28.*

PUNCT. II. Paternæ Providentiæ jam per

iplam promptæ ac paratæ addit, & appromittit Christus suam apud Patrem efficacissimam intercessionem pro omnibus, qui ejus Doctrinam, & professionem Doctrinæ verbis, facto ipso, & imitatione non erubuerint: *Omnis ergo, qui confitebitur me coram hominibus, confitebor & Ego eum coram Patre meo, qui in Cælis est: qui autem negaverit me coram hominibus, negabo & Ego eum coram Patre meo, qui in Cælis est.* Confessio hæc à nobis debet fieri Corde, Ore, & Opere, ut omni modo Servos, Discipulos, & Filios familias Christi nos profiteamur; ne de nobis quoque dici possit illud S. Paul. ad Tit. c. I. v. 16. *Confitentur se nôsse DEVM, factis autem negant.* An non his sæpius Christum, quam S. Petrus, negasti? A Christo autem fiet confessio nostrî, dum nos confitebitur ut Servos suos in ordine ad Mercedem; ut Discipulos suos in ordine ad Præmium; ut Filios suos in ordine ad Hæreditatem, ut simus Hæredes DEI, Cohæredes autem Christi.

PUNCT. III. Præter Confidentiam ad DEVM & ad Christum in adversis, fundatam in Providentia Patris, & Filij apud Patrem intercessione ac attestatione de nobis, exigit Christus etiam Resignationem & Conformationem nostræ voluntatis cum prudenti & suavi Dispositione Christi in sustinendis varijs persecutionibus & adversis, quæ etiam à conjunctissimis nobis inferri possunt; vel in pace, ac prosperitate vitæ temporalis undecunque turbanda. *Nolite arbitrari, quia Pacem venerim mittere in terram: non veni Pacem mittere, sed gladium* (id est bellum continuum) Matth. v. 34. ut sic occasione continua Victoriæ nostrî ipsorum, præsertim Voluntatis nostræ, reportemus Coronam: *Nam & qui certat in agone, non coronatur, nisi legitimè certaverit.* 2. Tim. 2. v. 5. MEDI-